

百
柱
堂
全
集

百柱堂全集卷二十七

己巳

庚午

監利王柏心子壽著

尋源子畫馬歌

尋源子者勝國藩裔也

王孫嗟汝亦龍種世變吞聲伏邱壠悲來畫馬銷壯心落筆
騁驅氣森竦原上輕風吹綠楊離離淺草連平岡三十二蹄
競角逐誰辨牝牡兼驅黃銜轡盡捐不受繼喜相摩頸怒踉
蹌滾塵跳澗無不爲純是天機縱超絕見者詫此蘭筋奇如
何不著黃金羈若使騰驤奮逸足刷燕秣越皆可追君不見
天閑盡道非常遇意氣驕矜蹴香霧仗下噤立不敢鳴低頭
老却麒麟步又不見連雲鐵騎趨沙場蹴踏關塞凌冰霜蜚

矢如蝟集馬腹或有放棄悲金瘡噫吁嚱鹽車峻阪汗霑鄰
絕塵安得見奔軼何當長與鞭策辭養汝五花好毛質時清
再遣負圖出

晨大雷雨是日中秋

蒼涼金氣乘時壯颯沓商聲挾勢道正苦懷襄連八郡北則武昌
黃荆南則長寶常岳俄驚雷雨動中秋寥寥鴻雁遲長道浩浩蛟龍放
遠遊今夜積雲難遽埽清光誰與儆瓊樓

馬虔臣過訪

西陵幾年別今喜足音過荒徑賓朋少秋雲澗壑多江天聞
鶴鶴水國傍黿鼉擊楫輕洪潦煩君訪薜蘿

傑士風塵表頻蹕閭闔遙遊麟宜紫闕威鳳必青霄薄海烽
煙靖中原劒戟銷卽乘嘉會出俊乂起傍招

遙送雲卿都轉赴南海

使君治行起循良前後謳歌滿漢陽薦疏交騰天北極牢盆
特筦海南亶華夷感徹淪肌髓乳穀功深變瘡瘡惆悵楚邦
難借寇旌旄遙盼嶺雲長

鄉里重湖若比鄰論交白首道如新相看遲暮飛騰日猶是
山林澹泊人遠媿題書勞慰藉遲陪祖席悵逡巡羊城自古
誇雄奧知有清襟不厭貧

浮舟下鄂因紀所見三首

行宮全集 卷二十一
二
我行仲秋杪江漲猶浮空初疑渤澥匯又訝銀河通離離眾
山影飄蕩梗與蓬經天惟二曜出沒西復東將無地軸陷廣
輿勢有窮南條不能納浩浩連八鴻孤舟信所適復見古鴻
濛八九小雲夢區區何足雄

中興際景運天佑我 聖皇 王鈇肅八表綏豐宜降康奈
何百川水潤下乖其常頻年困澤洞奪我稻與粱陽侯禮有
秩亦視臣僕行晏然縱鱗族汜濫頽厥綱盡不奮威怒戮此
蛟鼉狂水無犯原隰民亦還耕桑汝侯永述職大義昭尊
王

秋日雖云佳秋氣實悲哉茫茫俯昏墊誰障狂波頽金氣久

不歛佐水爲喧厯靜究五行理陰盛爲其媒踰時潦未滅駭
此稽天灾人事有消弭偏沲挽可回衰白困閭巷敢言康濟
才抱此壯拯志欲叩 閭闔開 上聖且咨儆幹旋如斗魁
上以望 九陞次以告三台

舟望黃鶴樓時重建甫落成

高樓拔起倏崔嵬傑構重搜杞梓材平楚江山隨鏡湧中天
闌檻倚雲開三淪凶窟悲焦土百戰湘軍挺異才城郭人民
還似昔故應黃鶴再歸來

山城秋色俯蒼茫天塹依然帶楚臺自是清時銷戰伐可無
雄略固金湯丹梯迴拓風雲氣朱拱森垂翼軫芒欲倚危闌

愁極目浮天何策靖懷襄

餘意未盡復成一律

蜀舶吳檣萬里征中原綰轂此通行波濤天塹開堂奧鎖鑰
人材勝甲兵觀變沈幾宜控遠建威深計在銷萌溫陶往矣
皆千載望古遙遙繫我情

鄂城九日偕漁叟登崇府山岡白雲道觀遂過正覺寺赴王
筍農觀察招飲

晴空俯瞰氣佳哉秋爽招提豁盡開雲樹參差浮睥睨江山
雄闊抱樓臺使君能助登高興野客殊慚作賦才扶醉渾忘
明月上何妨步屨緩歸來

喜晤黃生耀廷時歸自越中

滾滾江聲送六朝，海天奇氣湧金焦。
身隨博望槎凌斗，筆挾錢塘弩射潮。
歸後征衫塵未浣，秋來長簟恨難消。
時方悼亡如何

六翮翔寥廓，猶有林間燕雀嘲。

鄂渚縱眺

如雲英傑奮湘西，當日戈船震鼓鼙。
百戰鉅鋒殲虎兕，一江寒浪葬鯨鯢。
喧闐廛市聲如沸，迤邐樓臺望已齊。
狎處只虞鱗介雜，無忘炬火燭靈犀。

歸舟巖黃鵠磯下，離緒惘然吟此寄漁叟。
月樵窮農三觀鑒，黃鵠磯流遶鄂城。
片帆西去數歸程，煙波長送千秋感。
風雨

疑騰百戰聲奔走無端悲老大飛揚空遣負平生低徊文酒
驩娛地回首停雲何限情

鄂遊

冠蓋等雲浮軒車逐水流遷除誰不競飢溺亦須憂蕩析嗷
鳴苦艱難瑣尾謀居高援手易長憶富青州

開誠惟葛相廣益谷懷虛豈意規爲瑱翻同柅止車九重
猶設鐸三策在畱書已矣歸緘口無勞更曳裾

泮洞雖由數堯仁本若天恭聞金殿詔大發水衡錢

獨貸邀殊數顛連釋倒懸所期方鎮疏常達五雲邊

別後寄漁叟

座滿孔文舉名驚陳孟公歸難忘道濟老益擅詞雄隔歲一
相見論心無不同聯吟猶憶否鐙火棘闌中

十日平原飲俄嗟歧路分短篷吹暮雨遠岫入江雲聚散思
鷗社飄搖惜雁羣芙蓉舉木末只是憶夫君

曉舟

舟行若在空中浩蕩入鴻濛江勢浮天外陽暉浴海中遙翻楓
樹錦亂舞荻花風泛泛將何極沙鷗與爾同

晚泊

西看斜日下高舂熾權初聞晚寺鐘倒影雲衣垂薜荔孤根
山骨插芙蓉迢迢不盡騷人怨汗漫如尋海客蹤稍喜漲痕

沙際減秋高澤氣靜魚龍

奉送何筱宋方伯移節晉藩

海南產俊乂傑者張

始興文獻公

與姜

公輔學士

後來有邱

文忠莊海介嶽

嶽森相望公繼四賢起高步粵南置少年珥彤管挾藻追班
揚烏臺遂簞武捧簡飛秋霜承命擁旄節文武能自將由
晚更臨楚民歌春載陽開誠布公道敷政提其綱筦權杜利
孔澄清肅官常矢此精白意上以報我皇閔謨出正學浩
浩淵源長承乏攝開府威惠隨風翔方鎮數柱石偉哉公實
當今年水洊至郡國嗟懷襄飢溺若在己憂思煎中腸贊畫
請蠲貸噉鴻得稻粱天書爛五色飛下彤雲傍帝念

肘掖重移公古冀方吾聞昔三晉風俗猶陶唐繚垣蔽燕甸
連天起太行壺關至雁塞扼險如峻隍顧盼控秦隴談笑扞
戎羌窺邊有回鶻河廣安能杭王師事征討鄰道儲芻糧
飛輓亦孔棘倚公籌策良行矣望碩畫根本建安攘地居九
州脊天下號莫強安西實關右拱北衛宸鄉請宣股肱力
以爲九牧倡政成且入輔台衮登文昌
聞黃子壽同年爲役宋方伯約赴晉陽
宸極將趨觀參墟且駐蹤文章追晉問壤俗訪堯封東閣同
紆策西鄰可息烽朝正當赴闕往聽帝城鐘
舟過赤壁

烈火無餘焰雄威故自存崖懸孤掌立石蹴一江奔老樹仍
蒼鬱秋濤轉赤渾嗷鴻多蕩析寥落只漁村

泊茅江口

汀岸經行熟參差入望連村低孤隱樹帆合遠圍天空有內
溝志嗟無援溺權里門知己近歸興亦脩然

蘭葉有作水仙瓣者俗名水仙蘭胡月樵都轉行館階下蘭
叢權此二箭賞異之賦詩徵詠

蘭生空谷中倒映湘江渌清流何濺濺白石何齒齒湘上有
皇英同心慙孔邇有鄰德不孤莫逆笑相視聯璧如同車贈
珠邀彼美絕無羅襪塵皜然泥不滓節使高外臺階下忽茁

此競秀謝庭芳蹤鄂封胡比夜半燃青藜奇芬襲書史雖持
筦權權清潔共懷履異卉乃呈奇天葩並坼藥搖筆走珠璣
徵和興未已穆羽賡權聲逸韻協宮徵由來君子交素心澹
如水涉江憶騷人香草喻微旨

李秋樵卓泉兄弟約余秋遊伊家園林阻潦未果賦詩奉寄
改訂來春踐諾

求點天生好弟昆邀余契杖過山園心飛巖壑三秋滯氣奪
波濤七澤渾郢鄂浪遊慚宿諾林泉來歲會芳尊題詩先報
諸猿鶴且莫臨風笑食言

返自鄂州秋波尙壯布帆安穩書以自慰

高秋江漲尙浮山何似東遊泛海還千里龍鼉潛不動滄洲
來往一鷗閒

朔風

朔風厲廣莫颯然淒以寒登高望四野灌木多凋殘昏昏夸
毗子耽樂矜燕安齊奴侈絲竹綺食黃金盤嗟哉曹爽輩富
貴不知殫鐘漏未及覺忽焉遘憂患盛衰等潮汐俄頃多改
觀達者悟高舉彈琴歌澗盤矯首望松桂天際青團圞
舟次晚望

紫金光萬丈水府變洪鑪疑有潛龍戲凌波浴火珠
村民大去其鄉室廬僅有存者

蕩析成哀雁倉皇脫怒蛟漂蓬惟寄命禿柳尙餘巢故國猶
沮澤何方是樂郊奔沙淘瓦礫日夜朔風哮

寄舍弟子章江右

公趨潭府興何如宦業真成薄笨車望裏梅花開大庾吟邊
瀑布下匡廬滄波音信頻傳雁赤子鄉園半化魚但得分符
能報績拂衣仍返薜蘿居

霜後水楓蔚若赤霞

楓人偃蹇氣凌霜江國丹心捧太陽暮齒才華驚絢爛耆英
緋紫冠班行波閒菡萏凋秋露汀上芙蓉罷曉妝忽訝龍宮
門琛麗珊瑚火齊盡騰光

晨過龍山寺訪妙公上人

蓮社思幽契聊爲出郭尋烏啼千堞曉龍氣二潭深

寺前有黑白龍潭

役役浮生累寥寥出世心坐中言象寂疏磬繞珠林

送仲放博士之官巴東

喜近三閭宅聊棲半畝宮章縫環几席禮樂化蠻貊
啼雨林猿夜嘯風虛舟橫野渡安得起萊公

答孚上人

蓮社高名繼遠公暫携瓢笠到城東栖心雲水疏鐘外得句

霜林夕照中黑劫吞聲悲戰地黃蘗回首失詞雄

師卓錫竟陵之岳口

其地久經寇擾間里大半邱墟矣故人逢師遽作臨歧別泥
孝長璋公皆下世與師言之相對悽然

爪他年證雪鴻

舟次守風

寒甚不成雪朔風三日塵盤空孤隼勁攫木餒踣號客路冰
霜厲徂年日月怕浮生徒自役未息轉蓬勞

寄懷月樵都轉兼憶筱宋何公

燃藜中壘校遺經筦榷持籌未暫停判事精明摧霹靂吟詩
餘力破滄溟樓臺尊酒乖良會節鉞江天望使星歲暮故人
多契闊折梅分寄雁門陁

寄車竹君孝廉

承平逸藻追諸老喪亂餘生抱百憂客裏悲歌參變雅醉中

花月夢揚州時艱闕濟誰當輟日暮行藏半倚樓座上車公
吾甚憶遙題尺素訊滄洲

月樵都轉重修鄂城正覺寺落成招詩僧蓮衣卓錫其中賦
詩紀事且徵和作卽次原韻寄之

東壁鴻文起西來象教興麻沙羅善本蓮社得詩僧福地琅
嬛洞宗門智慧燈總持開覺路此是白牛乘

信有胸中厦樓臺湧地興古城稽古士一榻坐禪僧大道再
中日如來無盡燈雙修儒梵業公也獨超乘

使君才八面百廢遂俱興自謝津梁佛惟稱粥飯僧能將方
寸念盡化億千燈彈指華嚴閣高居最上乘

鄂城兵燹後龍象竟重興直作圖書府兼栖雲水僧一源惟
正學萬世此傳鐙科羨儒門廣梯杭大可乘
何但招提拓居然梵唄興只須一開士足敵九詩僧冊府英
華數光明日月鐙料應兼慧業謝盡辟支乘

歲暮有懷傅立齋司馬

吾子長歌招隱篇卜居難傍好林泉浮家歲枕龜鼉國荒壘
春耕蚌蛤田轉饒千營喧戰鼓量沙萬竈起炊煙當時高謝
功成後湖上誰詢范蠡船

寄張蔗泉大令

時主衡郡權算

故人棄官後消息問無從百戰今殲寇三湘久罷鋒遙聞高

詠處日對祝融峰莫訝書難達衡陽雁少逢

疇昔聯吟地樓臺暎綺羅驚心陳迹換回首戰場多諸將開
茅土幽人老薜蘿詩書易籌算潦倒興如何

性農駕部以偕海琴觀察遊德山唱和之作見示卽次韻和

寄

風流望二客未得差隨肩聞昔有善卷高蹈唐堯年讓王迹
邈矣林壑今仍傳靈源沂在水澄澹何濺濺綠巖蔽竹木翼
以亭與園半空盡翠雨一氣皆蒼煙清遊挾麗藻付與崖石
鐫詩成遠寄我三復同推袁人生幾緇屐日月猶飛泉俯視
沉與澧萬古長潺湲文字足不朽壯哉兩飛仙所悵隔郢樹

遲浮江上船

鄂生廉訪以征苗所得銅鼓遠貽山中作歌壯之

唐侯將兵用儒者弔伐功多誅殺寡蠻人重見諸葛公雕結
羅拜馬蹄下昇致銅鼓雷回文遺式願從諸葛君唐侯得之

遠貽我褻瑣深護黔山雲我無寸功坐擁此請從治亂繹前

史昔聞荒服無詐虞清酒黃龍刻石紀

後漢書南蠻傳秦時與夷約云秦犯夷輸

黃龍一雙夷犯秦輸清酒一鐘夷人安之

谿峒獠獠皆樂和祥風甘雨耕耘多頃

田十妻不租算

頃田不租十妻不算亦秦昭王與夷約也

清平邊吏無煩苛家家

範銅鑄爲鼓大或千鈞小二鬴花裙蠻女叩銀簪跳月養神

縱歌舞自從吏道多貪殘密箐深林眠不安鋌險操戈起救

死烏江架水生波瀾諸軍縱討遂采入玉石俱焚惟飲泣彼
雖獠狃亦猶人草薶禽獮何太急嗟乎喪亂安得平禍起貪
吏成縱橫千村沃壤變荆杞十載黔江流血聲去年唐侯起
作將羣蠻始有再生望刀劒賣盡歸春田戶攜牛酒謁牙帳
此鼓持獻轍門中祝侯勒鼎還銘鐘侯今謝病返蜀郡絕口
不道征黔功我瞻四方豈無事牙鬚鯨蜃且窺伺官中拊髀
思虎臣肯令韓白老邊裔此鼓發聲可十里但堪震駭山人
耳如侯實大聲尤宏淵淵靈鼙差可擬將星河鼓多光輝侯
持白羽當重麾戎車伐鼓進方叔頃耳雷霆天上威

元旦家山晴眺

庚午

家山元日象回新寒木千林盡向春岸迴連沙張鳳翼江清
抱日射龍鱗端居迹謝雲霄侶望歲心同畎畝人朝有羣賢

扶景運何辭攀壤作堯民

簡許梅卿太守

時以繕隄駐敝邑

東來捧檄障頽波礮鼓聲中畚鍤多昔仗丹心殲虎兇

守齊安時

戰績最多今看赤手束蛟鼉流庸復業依安土經術名家起治河
轉瞬稻梁生斥鹵吏民還繼白渠歌

雪後上後園山腳

雪後家山策杖遊茫茫顙氣九霄浮光搖遠岫飛難定影縮
滄江臥不流欲向雲中招若士誰從海上揖浮邱憑虛便鼓

逍遙興萬里長風駕玉虬

雪中詠梅

忽訝飛瓊下俄驚姑射仙清嚴藏古秀勁烈發孤妍不亞松筠節羞爭桃李年羣芳猶避面讓汝步春先

朱桂林八秩以詩寄祝

几席丹鉛老未停網羅百氏貫羣經諸儒盡喜瞻耆舊太史應先奏德星不用九還求秘訣何須五嶽佩眞形矯修自有延年術坐見從容晉百齡

案上水仙有作重臺者戲詠一詩

百結冰心密自攢凌波如怯六銖單不逢交甫空惆悵日暮

明珠解贈難

春來無日不風仲月尤甚

何曾明媚作春陽日日顛風似虎狂駭紫紛紅狼藉甚莫教沙石蔽三光

庚午春仲赴卓泉李生趣園之招適鶴樵庚垣至相與偕往而胥君鄺泉柳君石秋吳君价人先後皆集遂主趣園乘興題詩畱壁間志一時友朋登覽之樂

久慕辟疆園踐諾勇可賈二客從我遊遂發渡江勝籃輿行萬山泥淖滯風雨主人遠相迎開徑入花塢傍崦各東西騰觚迭賓主讎鄂雙雕龍競爽二詩虎俊識通天人雄談貫今

古明月窺酒尊青山闔堂廡林花鬪芳韶松竹欲起舞輒川
無雜賓大抵裴王伍誰言邱壑閒乃是文章府山中足雲霞
海內厭鞀鼓投老愜清歡茲遊快翕羽安得來誅茅葺屋綰
蘭杜介居大小山卜鄰傍衡宇

趣園讌集

今朝風日美湖海羅眾賓園林亦多有無此賢主人中心敬
愛客道合情更親壺觴旣疊進藻翰尤紛綸園中何所有日
與青山鄰卷簾但平視眉嫵煙中蟬東風來幾日林花忽已
春山鳥亦解樂賡歌絃管新波縠偶微漾渙然躍潛鱗感此
物情暢酒進忘逡巡安知宙合內猶自有烽塵旣醉復縱論

俄焉夜嚮晨吾儕視此樂直與爽鳩倫鄙哉梓澤宴絲竹徒
雜陳

趣園跳東山

連山若鳳翥樓在園之東參差露鬢髻約可十數峰偃佺矰
仙者四皓及八公連袂訪高士招手庭廡中朝光復暮霏秀
絕尤凌空高士揖羣岫不待款關通終日攬奇勝浩歌聲隆
隆我來偶下榻仰睇當簾櫳白雲湧如海倒卷歸冥濛須臾
復吐出插影凌蒼穹歎此變化態揅縱奇且雄寄言興高士
憂樂蒼生同四海望安石無爲泉石終

題盟鷗亭

屏俗澹無事惟與沙鷗盟築亭翼欄檻池水何澄瑩山谿匯
百道淙淙珠玉聲夾隄盡桃柳吹絮兼飛英羣峰忽窺鏡倒
影芙蓉驚偶然白鷺下亦有遊魚行主人喜坐此妙悟延虛
明靈府只方寸納此天地清時挈一壺酒勸酬弟與兄何須
待莊惠始發濠梁情

題此君軒

解卻炎歊犯雪霜人間高節只簣簠猶煩携我青雲上長嘯
天聲作鳳凰

亭亭疏影只蒼寒特立方知氣節難夾侍鵷行初捧簡風霜
先已肅臺端

羣醉山陽詎足倫子猷傲誕豈天真林宗孟博多高節尙憶
錚錚漢黨人

友放樓歌贈秋樵

山中乃有湖海士百尺樓頭俯餘子超然不異鴻濛遊下視
千峰皆足底李子作人如孟公舉杯意氣驚長虹生平好吟
復好客滿座不遺金尊空作詩幾欲放翁敵友放名樓氣相
轢放翁憂憤多沈雄往往豪吟摧霹靂君亦流離鋒鏑間竄
身荆莽悲時艱醉起登樓望西北憂來涕淚何潺湲近聞寰
海煙塵消外有方召中夔皋吾儕邱壑且偷食盍往高舉招
松喬君不見西來繞檻大雲赴咫尺藥姑在東顧徑須分跨

二茅龍與君直謁青天去

聊園卽事

松竹園將合溪山秀特分秋延湘女月春納藥姑雲豹隱將
長往麟臺未策勛昔年曾避地蘿屋憶辛勤

花萼詩人社風騷作者流並堅雙壁壘各擅一林邱世外元
卿徑山中宏景樓暫來難遽去花鳥亦淹留

趣園之側有山巍然若頭陀袒肩而結跏焉俗名雞籠象形
未肖亦乏雅馴易之曰羅漢復作詩以代偈

瞿曇雪山來坦腹青天臥莫訝津梁疲曾埽聲聞破肖狀呼
雞籠俗論直可唾易名羅漢峰俚見足鏤剗尊者超上乘道

人躡高座龍象忽崢嶸環列右與左跌坐團蕉中花雨不能
浣松風下諸天大地潮音播

集趣園有懷丁子枕泉

羣彥會園林尊前憶足音蒼生仍及榻月上爲停琴楚岫紛
相蔽修江阻復深坐思丁敬禮未得盡朋簪

贈胥子卮泉

胥子困儒冠苦吟心力殫釀愁千日酒鍊句九還丹垂老嗟
駉驥無枝託鳳鸞風塵操淥水只是賞音難

贈柳子石秋

素韞峭函匹馬征倉皇正遇赤眉兵直穿狼虎巢中過誰惜

騏驎地上行烈士抗懷眞磊落豪情倚醉放縱橫南來邂逅
諧吾願大好雲山得友聲

度雁嶺

雲表有蒼雁翩然來大荒掉尾俯沔鄂舉首瞰衡湘大雲及
藥姑兩翩如開張天風忽度嶺萬壑驚雷碾磴盤十四折直
上凌蒼茫羲和叱日馭頗礙六龍驤石淙走其下開闔虹霓
光國初始闢此間道趨岳陽後來鐵脰輩履險仍披猖壯
哉禦侮士列屯扼其吭嚴關雄鐵牡無復敢跳梁停輿爲三
歎折萌在禁防勒銘警來者寶劒還耕桑

過響山

誰司造化鑿積此太古礦純石絕無土礫硠質礧礧草木亦
不生萬年碧蘇冷蟠屈多威神駭若狻猊猛夙以響爲名今
何噤不逞腹有萬雷霆探喉莫出骸盡作蒲牢鳴一喝羣昏
警

過土城口 相傳陸伯言屯兵處

川原寥濶下鵬羣山勢如環赤羽軍江表虎臣屯萬帳神州
龍戰劃三分摩空不見戈鋌雪望氣猶驚壁壘雲細柳舊營
耕已盡桑麻今日徧敷茶

山遊初返枚卿太守貽詩盛相誇詡率爾奉酬

名園都作剡川誇百里探幽未覺遐巖穴二難栖隱遯亭臺

萬壑送雲霞文章泉石諸英集桃柳風光二月華逸興遂勞
佳句寵翻教麟鳳美磨礪

賢守眞分雁戶憂役車柳雪未曾休偃虹勢壓桃花水沉馬
功迴竹箭流冉冉榆陰邨外合芄芃麥氣壘間浮野夫從此
歌安土一任天機汗漫遊

口占別趣園

惆悵雲山未結鄰依依猿鳥亦相親東風吹紫辛夷落飛逐
溪流遠送人

別後寄秋樵卓泉

爲證苔岑契言尋松石盟襟裾溼嵐翠談笑雜溪聲醉後誰

賓主人間好弟兄老夫未疲茶興發倍縱橫

盤谷山中樂仙源世外聞天生兩高士人羨二茅君遊屐嗟
難遍朋簪惜遽分別來憶幽徑猶夢踏煙雲

遙寄爵帥左公

時移軍平涼

第一高平控制遙

後漢書注安定郡高平有第一城高峻所據

傳聞度隴下嫖姚

氏羌莫道皆飢窘關輔無令復蕩搖百戰河西餘骨骸廿年
天下困征徭蜃樓直北仍噓氣還望忠良翼 本朝

連月恒風不止

餘風播芳淑披拂宜春容云胡縱噫氣盛發土囊衝孟月逮
仲月咆勃日汨汨震撼武安瓦嘈呖無射鐘飛廉騁跋扈南

北如交鋒揚塵雜沙石簌蕩枯與松狼藉眾桃李六王避祖
龍深推五行傳曰蒙恒則凶或恐兆蟲孽蜾螟將病農又虞
介鱗族辛螫包莽蜂區區抱狂惑夙夜徒征徂靈修綜吳緯
赫赫羣神宗風伯主箕宿異命申且重嗟乎汝風伯出納作
爾庸爾職有常度敢不懷靖共無爲取咎戾蹈彼青邱蹤淮南
子本經訓堯使羿繳大風於青邱之澤注大風風伯也發人屋舍爲民害者繳繫矢於絲射之也

清明

禁煙佳節在鄉枌四望郊原蕩宿氛蕪勢接天浮綠海花光
迎日漲紅雲陌頭仕女香輪少江上樓船綵幟紛步履獨經
山寺寂寥寥疎磬送斜曛

長林胡鶴樵過訪辱贈五言二章遂與偕遊陸城李氏趣園
君乃取道岳陽覽洞庭之勝而歸賦詩答贈且以錄別時
庚垣亦與君偕行云

我朝高廟時皇矣右文世表章重六經英儒乃鱗
萃蹟奧探靡遺發明最宏邃著錄數千家炳若列星麗爾來
軍旅興實學稍湮替君也何觥觥奮起擅經筭漢學二千年
研精搜其秘又能工文詞沈博表瑰異跼然來足音慰我飢
渴思申章叨贈言磊落盡古義歎此淹通才邱樊尙沈滯何
人能薦賢虎觀引故事奪席五十重期君振高議

春雨過江上渡江同看山偕行有楊子

庚垣

逸興皆高閒趣

園足幽賞相與窮躋攀君遂欲遠舉西瞰巴邱還楊子與連
軫縱跳洞庭灣洞庭浩無際潏潏浸百蠻重華去不返淚竹
餘苔斑後來左徒怨香草荒榛菅魚龍歎灑潏猿狖啼巖閒
君往駭壯闊遐想超塵寰意氣忽颺發浩歌動天關得詩倘
寄我坐令開心顏但恐觸古緒悲來不可刪

庚垣枉顧山齋卽爲巴邱之遊賦此送之

不辭千里訪巖扃還上高樓望洞庭野曠波搖湘渚白春晴
峰簇岳陽青豪遊已覺超三島廣樂猶疑會百靈興發倘逢
奇句就便須吟興老龍聽

湖濱遇風遂泊俄而月上

西南來雨勢俄頃疾風俱捷電飛穿樹雄雷怒拔湖就汀方
駐泊後艇尙驚呼倏見銀蟾上清波湛玉壺

舟過林家溝

烈士頭顱化作塵孤兒破屋不勝貧煙波歲歲飛花路腸斷
扁舟白髮人

彎弓回鵲至今驕烽火時驚照渭橋太息英雄埋骨早將星
猶自暗招搖

三月望夜舟次見月

三春三五夜最好月當天若照笙歌座應酣玳瑁筵清輝慙
短髮逝水送華年可惜終宵景徒隨獨客船

晨起風霾大作泊長湖之濱

倏訝焚輪作喧呖徧九寰沙橫高陌日波壯遠吞山曲港皆
維艇居人盡掩關飄零花與絮誰送豔陽還

盛滿無恒期行

昨夕月華將達曉今晨風霾暗入表人閒盛滿無恒期健羨
胸中徒擾擾金穴銅山亦易摧高臺曲池何爲哉惟聞九曲
崑崙水到海還從天上來

風雨舟中憶廉臣姪江上

兄弟飢驅各一方田園潦後歲頻荒慚吾垂暮稱遊子念汝
全家去故鄉風雨三春浮夏首煙波九派下潯陽少年總道

榮名好垂淚天涯黯自傷

湖上風雨歎

疾風倒捲一湖水蹴動長蛟怒掉尾疑翻地軸搖天關雨挾
風橫更不止稻苗凍損驚驟寒鬻牛買種經營難江上米船
亦不至草根蚌蛤皆充餐潦田種麥麥不肥載道流庸今始
歸郊原剗剗且抽穎風雨日多晴日稀不望倉箱慶萬億不
煩振貸天家力眼中百萬方嗷嗷但願家收十斛麥

吳桐雲

大廷

廉使與僕盍簪未締辱貽書者再且道一歲中

由閩赴秦由秦至吳渡海入都復還閩奉

命董海舟

將作蓋走數萬里矣賦二詩奉寄

閩山秦嶺不知遙，卻指重溟氣已超。
萬里眞成蒼水使，千官仍謁紫宸朝。
當令蜃鱷驚移窟，直遣龍鼉駕作橋。
知有遠謨宣域外，海隅日出戴神堯。

風塵傾蓋定何年，尺素頻從遠道傳。
東過鄉關詢隱逸，南趨溟渤會樓船。
盡收島嶼羅胸次，還擁旌旗壯日邊。
遙喜神京根本地，澄瀾長峙巨鼈肩。

得黃子耀廷書卻寄

荆臺次第得疏麻，芳訊煙波未覺遐。
留帶塵中彈淥水，文章天上嚼紅霞。
雀屏綠兆氤氲使，方議高勒澣涯千載淵。
雲今復出論才合，入殿金華。

南郡江漲紀事四十韻

倏沒瞿塘馬誰翻地軸鰲九天傾浩瀚三峽鬪波濤巴國多
沈陸夷陵半刷壕漩分狼尾險灘助虎牙驚全力吞夷道回
波汨下牢黃陵圍噴薄白帝失岬嶠猿狖千山泣蛟龍百戰
鏖怒搖天柱側狂蹴日輪高泡急衝連棟沙崩裂巨艘樂鄉
悲蕩析沮口會遇遭牛馬隨波下鼉鼉跋浪豪積尸盈水涘
漂韜蔽江皋星斗憑春簌乾坤縱蕩淘沉陰宵晝慘中夜鬼
神號東走龍洲沒西來虎渡囂渚宮憂岌岌郢甸駭滔滔一
柱觀何有三休臺且撓鯨牙誰敢拔魚腹恐難逃民吏憂顛
沛晨昏聚鬱陶安危千雉堞生死九牛毛捧土心徒切呼天

首重搔涉波愁類豕升木願爲猱涕下如垂纆腸回甚索綯

伊惟持節使

謂本路觀察
恭振夔廉訪

獨任障川勞蕭愴隄終立王尊壁

共操飛符興役鼓舉鍤擲泉刀氣懾元虬族威驅黑蜮曹瀆

纓遵軌轍喜氣動旌旄澤國眞難託豐年不易叨甫欣烽燧

靖旋見甲兵韜何意懷襄警頻增郡國忉狂泉俄頓沸嘉種

盡從薶潛漢波先溢岷源勢益饗粒無鸚鵡啄澤有雁鴻噉

聖主符堯舜賢臣慕禹咎如何仍涖洞只是益蕭騷孰侍

青蒲禁還簪鑣管毫流亡誰入繪振貸豈屯膏休咎徵無

爽陰陽理不諂空思閭闔叩感歎在蓬蒿

歸舟所見

莽莽洪荒世滔滔澤洞年片帆行木杪孤榜躡濤顛杭稻沮
洳裏村墟瓦礫邊艱難誰入告卽發水衡錢

潦退題宅後山二首

截斷浪花渾巍然碣石尊蛟鼉千百輩弭首過蓬門

予室飄搖甚顛危孰與扶若非拳石力恐化厯陽湖

螺山右側江防決口

外合川南黔粵之水內則洪湖下達青灘施口仍入於江決口當以勿塞爲便

疑有龍鼉會百靈狂摧赤岸走驚霆澤形如滙東彭蠡天意
將分北洞庭疏滯功施當少患厮渠勢定豈宜局從容導決
行無事禹貢圖眞萬世經

病起行園

病退行窺國叔藜代疲勤曉露流滋濡朝岑獻蒼蔚連延蕉
竹青覽物悅嘉遂耳目迎新機靈臺淪神智攘臂支離疏頓
覺起沉滯偉哉七尺軀不死者元氣中流譬失船千金一壺
寄水火兵疫閒孤生髮可繫保茲神理繇關鑄慎鍵閉豈偕
朝槿儕俯仰遽榮悴

寄示兒輩赴舉在鄂

江國香浮桂樹叢兒曹戰藝及秋風文章易奮青雲上將相
先儲白屋中國士自期爲世用英聲何止屬詞雄扶搖倘得
凌霄漢經濟無如出孝忠

商飈

動地商飈疾撼林人閒萬象忽蕭森
濤聲砰擊江湖裂秋色蒼茫日月陰
入塞雁鴻遲遠信拏雲雕鶚挾雄心
顏年只自憐衰病短髮彫疏不任簪

高秋

高秋北望五雲邊碣石之梁渤海連
兵氣機槍侵析木漢家烽火照甘泉
吁嗟塞竇盧龍日慨想功收涿鹿年
莫倚奇謀行表餌還求猛士奮戈鋌

中秋待月未上

八郡憂洪潦哀鴻棄故鄉
姮娥愁啓鏡忍照野流亡
月中仙桂根滿綴黃金粟
何當借饋貧散作荒年穀

詠蘭紙

英英天上白雲片吹墮人間化爲練展向驕陽愁炙消凝霜
積雪光凌亂鰕綃紅射明珠光雲錦天孫誇七襄豈若春蠶
任天巧腹中吐出皆文章不擲龍梭鬪鴛杼披尋組織痕難
覩世閒搗製窮萬方側理研光何用數蘭亭一序高千春逸
少往矣誰其倫我今捧此媿染翰乞與上界諸仙人上界金
泥森玉軸雲篆龍蛇勢相矗佐書真誥三萬言擲向庸兒不
能讀

邁園雜詠卉木

柏爲疾風所踏歲久彌自鬱然

驟欲呼蒼兕旋驚臥老羆猶酣雷雨戰不受雪霜欺勁氣仍
磅礪貞標詎改移神明終相汝顛沛總扶持

槐棘相抱

引棘作腰纏高槐勢傑然鵝班趨捧日犀帶擁通天蓋偃一
千尺根蟠二百年三公誇昔兆敢望澤猶延

海槎殘枿叢生益茂

照眼驚榴枿偏含雨露饒粧殘分癩髓杼斷割鮫綃直作彤
霞擁何愁赤日驕房多秋更綻光動火珠搖

薜荔縈於短垣者亦百餘年物

牆壁青紅縈秋深薜荔濃離披翺曬鶴天矯蜺騰龍帶月全

迷磴攏煙不辨峰山阿人在眼含睇若爲容

石秋秋蕉問疾山中

居然七發起沈疴二子聯翩訪薜蘿清嘯半空驚鶴鶴豪吟
中夜泣蛟鼉遙瞻閭闔三霄闕誰靖滄溟萬里波倚醉悲來
翻涕淚山中偏聚杞人多

閔災

沒充魚鼈飽生逐蚌螺鄰媿處邱園下翻同秦越人呼號途
自隔宏濟願難伸盛世災無諱誰先封事陳

風雨竟夕

飛電射聰明颯然風雨鳴亢陽銷客暑殺氣縱秋聲蟋蟀吟

猶雜龍鼉臥亦驚曉看巖壑潤蘿桂有餘清

遲兒輩歸舟未至

東來帆過盡歸櫂爾何遲葭莢浩無際風波仍聞之檣烏斜
日外巢鶻暮雲時策杖江干望茫茫寄我思

曉上山麓

清晨步山麓秋爽亦佳哉江挾朝光湧峰排宿霧開漁家張
網集估客挂帆來人事趨羣動吾衰獨散材

續詠薊園卉木

女貞同根而異幹皆心空矣然鬱勃蒼龍有熊豹拏攫之
勢

刻心能去智連理復同根剪伐常相救冰霜不敢髡密花疑
玉綴晚實比星繁賴爾凌冬翠蒼然壯小園

桐爲粵寇所戕其枿挺出今爲脩幹矣

亦作龍門勢亭亭雲與齊縱罹蛇豕毒終待鳳皇栖疏雨聽
徐覺清陰覆每低琴材如待獻願向 闕廷齋

紅梅一株亦幸逃賊斧者每遇歲寒繁香尤烈

得脫紅羊劫仍畱翠羽聲橫斜無俗韻妍秀亦孤清不閱風
霜慘誰知草木貞南山有松桂好結歲寒盟

慈竹爲近歲移植嘉其繁陰蔚然藂篁競擢

如汝門宗盛無滋他族干劇憐根密邇尤愛影團樂同姓周

家重推封漢法寬北堂慈蔭接日爲報平安

九日漫興

老覺人閒萬事催涼蟬初罷塞鴻來百年佳日莫輕放終古
長江無倒迴青鬢任從明鏡換黃花惟傍醉鄉開陶然遺世
同塵盞塊磊胸中何有哉

九日得燿卿書

歸來九日興何如消息黃花亦轉疏杖屨起臨山墅磴天風
吹墮故人書琴尊契闊情無極井里流亡歎有餘衰病莫陳
康濟策只堪戢影向蓬廬

九日寄漁叟

去歲重陽節黃花滿鄂東今年三徑裏薜荔翳蒿蓬風物蕭
森會江山莽蒼中登臨仍寂寂尊酒與誰同

耀卿侍疾北堂不赴鄉舉寄詩美其高行

藥鑪朝夕奉慈親門巷蕭然似隱淪握槩自披充棟籍閒居
不作踏槐人庭闈穆行曾無忝枝葉浮詞詎足珍光祿太常
如察舉姓名宜向闕廷陳

季秋暄燠過甚遠近頗有憂旱者

陽烏何太亢金虎退無權孽斂翻炎景煖焚併潦年九霄深
莫叩二氣積多愆祿食思回斡宜求恩澤宣

耀廷捷秋闈因有此寄

文雄銳通周陽五 國瑞才符員半千
乍覩駿蹄開道路俄驚虹氣燭山川
騰聲家世無雙譽掉臂蓬萊最上巔
冠古期瞻 廷對策莫令鼂董擅當年

暮望

秋氣何澄肅高深萬狀明日沉羣岫
紫天遠暮江清去鳥飛何疾來帆曳
目輕丹黃變楓櫟霜候亦將成

獨憩山園偶然縱筆

僻陋休嘲徑掩蓬百年喬木有清風
招延曦月光鮮麗吞吐江山氣渾雄
落落行藏憑檻際茫茫心事杖藜中高
軒當路多才傑野老惟知祝歲豐

晨眺平岡

林光初破曉如展畫屏風煙斂猶迷岸江浮若在空中市聲驚宿鳥纔影起汀鴻煥甚遲霜信何曾徇錦楓

秋盡矣林下朝菌叢生感節候之多卉菌其微焉者也

入夏羣陽升生機洩兆朕暑雨多鬱蒸雜然挺朝菌金虎當季秋於時逼悽緊恒陽何太愆暄燠變韶景頗聞園圃中往往圻桃杏菌也復羅生赤箭絢繡穎少昊司令乖虛矯氣徒騁菌也閭冗流于時競抽穎得非鵲在梁竊位有餘幸連年困懷襄十九流亡盡捐瘠填溝中行道爲悲憫汝菌擢非時豈與九光等何如勁草生相俟進忠輒協氣產嘉禾羣欣稂

莠屏嗟乎吾此忱雲間遯難請

九月晦日雷

夏潦秋仍旱雷聲亦未藏縱能驚遠邇無乃洩陽剛災祲歸
偏沴慈仁屬上蒼殷憂原啓 聖徽慈迓休祥

將赴郡阻風未發山園芙蓉適放悵然賦此

征權滯江風孤妍發舊叢邀余舉木末伴我佳山中搖落驚
奇麗榮華出固窮衰顏真媿汝回首避嬌紅

倩影窺籬落朱顏鏡裏人拒霜天所命吐豔氣猶春捷步梅
先導清標菊結隣光榮方晚達頗憶漢平津

寄枕泉

荆臺與子別日月如塵輪殷勤慰遠道貽我滄江鱗讀之三
歎息離思茫無津念子抗高尚遠追賢哲倫年少綜墳典時
清甘隱淪惟懷騁藻翰輝映垂千春吁嗟當路子意氣旁無
人慕彼五鼎貴汨茲七尺身俯仰但轉盼磨滅隨埃塵吾衰
不足道子志良可珍駑駘任萬輩異者九真麟願言砥高節
令德日以新在遠未須悵天涯猶比鄰

百柱堂全集卷二十八

辛未

壬申

癸酉

監利王柏心子壽著

唐安寺古柏歌

唐安寺柏我未覩人道年深莫敢侮虬鱗犀甲森開張時有
精靈夜深語唐時封殖人爭傳盤鬱已閱千餘年蒼雲徧覆
三邦壤翠羽橫飛七澤天豈無連山盛杞梓未至百年氣先
靡傑然偃蓋標鷲峰從天直挂蒼龍尾苔花欲澀青銅柯亦
有老蔓垂修蘿若華桂魄互升降南箕北斗相蕩摩嗟乎李
唐社已屋鼇扑三山屢顛覆幾人稱帝幾人王獨汝輪囷壯
岸谷風餐雪虐鞭雷霆野火樵斤曾未停中間銅馬亦屢至

柯葉不改恆青青偉哉特立仗孤直氣厚陰陽不能賊繽紛
時作鳳鸞翔呵護豈關龍象力心堅骨勁方嶙峋不與羣卉
爭陽春亦如宏濟運文武奇略必屬深沈人傳聞將作求良
材萬牛輦致何難哉或云不若爲社樹偃蹇無邀匠石顧君
不見蓮花峰下金天宮三代喬木羅其中豈意青嶺來傳烽
一夜烈火燒長空秦松漢柏如飛蓬

片石圖爲瞿梧岡題

山人初得石割取青山在几席自從失嵯峨將無神力移夸
娥又疑蒼昊苦虛空媧皇煉作補天用不然蓬島招相從竟
化海上飛來峰

寄荅會稽施壽伯

禹穴稽山昔少年能爲忠孝杜陵篇
心驚烽火人間世手摘星辰海外天
喪亂流離俄老大文章賓客尙迢迢
騷壇牛耳君無讓耄矣相從左執鞭

壽伯值兵梗會航海乃得歸

送恭振夔廉訪擢尹奉天

秋捧絲綸下絳霄陪京作尹促星輶
天家三輔崇豐鎬王氣千年壯藩遼
根本兼籌山海徼聲靈如在祖宗朝
公侯復始知非遠帝許先臣世澤叨

繡身花驄郢甸來仍瞻鄂渚領霜臺
人迎玉節星爲福身作金隄浪卻迴

去年夏行隄之績

自顧壯心方壯歲誰兼公望復公才

已超岳牧承 殊眷卽挾風雲躡上台

頻年使解接風流逢掖偏叨禮數優每逐簪裾觴燕寢時停
車騎訪龍邱騰鸞俄自驅雙轂袒餞安能望八駟行盼建牙
重蒞楚清光仍挹庾公樓

桂林山水圖歌爲王子昭大令請題其尊甫香亭先生遺冊

作

冊凡入幅蓋香亭先生之
官龍英客作此贈行者也

桂林山水甲天下山削劍鋒水清瀉砂牀乳穴多洞天惜未
探奇馭風馬吾宗仙吏臨邊州客有起寫驂鸞遊桂林奇勝
盡尺幅羈宦可以寬離憂邊州杳在窮荒裏飛蠱蝮蛇兼毒
矢何來仙吏噓春陽瘴雨蠻煙淨如洗自從仙吏辭人間嶺

嶠翻覆何多艱。嗚呼亂萌始濁政。伏莽一起無雄關。君不見
百峒千峒。篝火明大黃。江上孤夜鳴桂林。岌岌幾不保。笑竄
江海成縱橫。乾坤滿眼豺狼鬪。六代繁華不重觀。鍾阜西湖
皆黯然。何但亡星與獨秀。只今九土無烽塵。冊中粉墨長如
新。仙吏郎君復捧檄。邀我題句揚先芬。清白兒孫繼門戶。
君兄弟並簪組。此圖莫道閒丹青。第一循良好治譜。
仕兒就婚成都賦。寄二詩。

臺築秦蕭史。槎浮漢客星。劍門雄北峙。玉壘壯西肩。慷慨顯
橋迹。風流問字亭。祠堂畱古柏。聞道至今青。

謝家有車騎。將略冠淮淝。近者唐侯起。登壇露布飛。汝方叨

世戚往可問戎機天壤王郎語當令雪此讖

遙寄爵帥左公隴干軍中

曾叨揖客侍清塵上將琬戈駐漢津千帳金笳嚴五夜一尊
談笑定三秦明公勦伐高籌筆野老生涯託釣緡盡略雲泥
憐舊雨時勞牋素問沈淪

謗書流涕老臣心轉戰河湟白髮深能作長城安紫塞猶虞
眾口錄黃金冰霜未敢辭勞勩天日終當與照臨會待功
成且高蹈赤松黃石尙堪尋

土斷

車船筦榷算無遺難貢何勞土斷爲疏請封樁儲左藏人言

跋扈出偏裨，焚身象齒能無戒。
篝火狐鳴或有詞，但冀同舟消畛域。
和羹鼎味領台司。

子長發憤書平準，著論桓寬歎未休。
錦櫓銅山無債帥，戈船金穴有通侯。
貪萌尙恐鯨人伺，淡食誰知雁戶愁。
利導整齊原有術，徒煩過計復私憂。

得謝臨伯太史書卻寄

滄江枉顧偏殘年，萬里皇華使節旋。
槎泛南溟仍過里，舟迎北斗獨朝天。
圍爐話舊山齋夕，振佩歸朝粉署仙。
別後鷗鳬勞記憶，鴻書遙下五雲牋。

三輔磬鴻未忍聽，詞臣憂國涕常零。
爭傳獻納輸忠藺，不

獨文章重 禁廷渤澥鯨波山欲蕩樓臺蜃氣晝多腥萬方
翹首期 皇斷一疏還通 九廟靈

題劉梧孫遺照二冊

故人落筆超羣英不入東觀陪承明掉頭大笑向海岳直挾
瀕氣空中行當時公卿盡傾倒如今粉墨凋文藻風雨精魂
如可招翩然騎鶴下瑤島

海岳行吟

雪花壓徧古城堞授簡詞人鬪雄傑荒郊狐竄熊虎號惜哉
未縱平原獵大梁從古多豪英俊遊一散吹臺平劉郎高咏
亦已矣蒼莽黃河無盡聲

梁園醉雪

聞獨山莫子偲卒於揚州賦詩悼之

飄搖及老成黔禍最縱橫竟類楚三戶難招魯兩生鼠身向
淮海又手揖公卿太息儒林傳誰爲列姓名

汲古兼精博胡爲奪此人遺書延漢學吾道失經神夢冷揚
州月雪遙挾道香雖無傾蓋遇遙落倍霑巾

答贈蜀人留子全斌

門有偉男子隆寒披緼袍適吾甫返舍揖之驚雄豪問客自
何所東浮巴峽濤下拜請北面申章代雁羔少年擅英藻猛
氣掣鯨鼈又言慕竹帛期與風雲遭塵埃邁奇特突見瞿塘
高吾衰媿老馬抗顏安敢叨願言策遠到于世爲俊髦潯泓
納虛靜斂抑除浮囂閎謨廣儲侍文武惟所操萬灌爲干莫

剽犀曾不勞洪鐘待寸莛豈足發蒲牢願子若曠弩應機乃
發矇處則樂槃澗出師夔與皋丈夫在樹立富貴徒鴻毛

晴眺隔江諸山戴雪崔嵬

壬申

玉龍晴曜甲鱗鬣勢如蟠橫野千重皎通天一氣寒長松韜
壑底凍瀑挂雲端欲約驂鸞客凌空躡羽翰

閱日晴明積雪彌自皎然

誰植玉芙蓉參差千萬重縱饒陽景鏤常有凍雲封岫失嘯
援穴林虛過鹿蹤芝華冰澗側欲采恐難逢

山園梅花盛開

冉冉飛瓊下絳霄仙人綃袂若爲招不因林次香徐度猶道

山中雪未消

花下歎

勾芒受命蒼龍闕一夜園花盡催發爛熳緋桃烘照天海棠
睡覺起倉卒黃金弱柳紛交加胡蝶成圍蜂放衙四面浮空
簇錦繡六時塞路蒸雲霞日夜南風嘯雕虎怒蹴繁英若塵
土朝榮夕悴成匆匆頗訝天公何莽鹵扶藜感歎花前翁萬
事翻覆將無同權勢古來若長在日輪不西江不東

侯相湘鄉公輓詞

諸將雲臺總後塵中興躍起贊維新地猶磅礴衡湘氣天
不留遺社稷臣心力已銷籌國日威名長憶折衝人九

重今日臨朝歎柱石伊誰繼秉鈞

義師桴鼓震滄洲憶昔戈船出上游殄盡鯨鯢江海窟寧還
龍虎帝王州桓文實佐天威肅方召能兼將略優不似平津
徒傳會但持經術取通侯

殷勤薦表達神京文武無慙國士名麾下偏裨皆將帥幕中
賓佐必豪英龍文紫劍何曾掩驥尾青雲盡有聲報國人
才功第一至今垂拱樂昇平

寰中屈指幾雄才人傑應符閒氣來吹垢大風原有兆藏舟
半夜竟難回關西上將悲歌起淮北元臣雪涕哀利涉卽須
猶俚少長城何意遽先摧

贈卹榮施緹典濃 易名加秩渥 酬庸人閒伊呂符三代
天上宣文侍 二宗鴻雁斷行增永慟麒麟高冢表崇封忠
勳青史書難罄畱與千秋勒景鐘

日下文談侍舉尊歸來猶媿託攀援青油幕府聞開閣白髮
潛郎斷掃門涕淚羊公思舊德山邱謝傳愴生存和戎魏絳
休輕毀危地孤臣未易論

仕兒滯蜀未歸

隔歲歸期已計程汀洲惟待白蘋生便攜秦鳳雙飛翼同聽
巴猿兩岸聲花柳徧籠江國路音書猶滯錦官城將無藥裹
勞親檢未放蒲帆五兩輕

山望

滄洲杳無盡蕪勢復萋萋送綠干林合浮青萬嶂齊煙中汀
鷺下靜裏谷鶯啼忽發采芝興穹巖未可梯

削迹

絕少造門屐惟聞黃鳥音紅稀春冉冉綠靜晝悄悄削迹逃
空谷開軒望遠岑芳條纔俯仰萬化本相尋

漁叟書來道吳越之游往還皆以輪舟

飄輪聞道興超然坐閱東南半壁天直擬鴻濛招若士爭言
吳越過飛仙歸來談笑神逾健老去才華骨倍堅一紙親題
豪氣湧雲車眞可徧埃垠

獨酌寄漁叟

江上題詩約故人，鄂王城下醉芳辰。
誰憐明月窺孤飲，不共飛花遠好春。
雜遝卑栖喧燕雀，須臾高冢臥麒麟。
時聞湘鄉侯相騎箕

之銜杯萬事休，相較貂裘牛衣等一塵。

時駐師黔塞

寄鄧友石觀察

燕領書生抱缺彈，幾年持節起登壇。
猿猱盡道芟除易，瘡痍誰知撫字難。
駐塞營屯荆棘徧，梯空飛輓簪林寒。
使君籌略兼威信，耕耜興時百峒安。

哭亡兒家仕五首

生兒得奇雋，人道家之祥。庸知忤造物，奇雋先招殃。
天馬超

西極瞬息秣扶桑中道不使騁四蹏蹶且傷長離奮丹穴一
舉窺雲間震風蕩六合歟翮仍摧藏庸闔得耆壽才傑萎朝
霜古來盡如此眞宰殊茫茫

兒冠始下帷冥解道靈緒發憤五年中孤睨藐萬古縱橫三
寸豪九天戰風雨是何健少年藝苑闕虓虎如見孫伯符遠
霸江東士學成疾已嬰赤虬下窺戶鬼伯不少延催促何太
苦不主芙蓉城定司羣玉府

蜀遊疾已亟伏枕三峽中覽其道中作視昔彌深雄餘力足
飲羽聲飛霹靂弓錦囊漉心血壯采垂長虹此才若不死騷
國張雄風崛起掣鯨力投竿滄海東惜哉埋玉樹七澤英靈

空

子淵祀碧雞中道作羈鬼文考與子安先後並溺水吾家三
俊才皆以少年死汝也今繼之蘭摧若一軌文章驚鳳鸞肌
革飽螻蟻年嗇才獨豐予角乃去齒子晉獨得仙幸遇浮邱
子笙鶴遊緱山夜夜月明裏悲汝不得從千春泣蒿里
汝婦貞且孝代汝循南陔又能秉義烈皎皎霜雪皚汝有遺
著在梓本雕方開琳瑯垂金薤燄燭中天迴魂魄無復憾靈
氣當往來我老尙少疾三徑能徘徊勉師東門達不效西河
哀作詩復自慰罷登思子臺死生亦常理沈憂何爲哉
校亡兒家什遺詩甫畢爲題四首

鷗舞三株樹鶯翔四照花神仙朝紫府樓閣湧朱霞攬盡蓬萊秀移歸屈宋衙詞流均採藻英絕屬瑯琊

雛鳳來南極奇鴈出朔荒祥苞輝射日秋翮勁排霜青瑣何曾入丹霄未許翔徙令天終賈不遣儼班揚

五載勤披蠹千篇隼射雕詞場孫討逆駟國霍嫺桃元解神如助冥心悟獨超胸中丹篆在光氣尙騰霄

千百庸兒輩何能值一哀老方悲愛子天獨奪奇才門祚凋英物文章掩夜臺殷勤拾金薤莫遣汨塵埃

老淚 三首

思子臺空望吾今甚矣衰白蜨正嬰拂赤豹尙迷離家喪荆

山壁庭凋竇氏枝忘情非太上老淚自漣漣

物僂生多阨才高帝所刑文人修慧業鬼錄聚英靈滿漬囊
中血孤懸曙後星悠悠元化理誰與叩蒼冥

入蜀五千里羸軀日已孱尙能迎婦返猶幸及生還鵬至災
何速駒馳景莫攀差令魂魄慰歸骨傍家山

縹緲 七首

縹緲緱山鶴悽涼藥店龍衣惟披薜荔城或主芙蓉追逐青
童侶超騰碧落蹤鱗洲芝可采往躡海波重

以我三靈譴增渠二豎災躡淵淪虎氣逐電失龍媒蘅杜先
秋萎桑榆嚮暮哀傷心空作賦思子莫登臺

王微恆養疾賈傳竟凋年瓊藥誰能待金膏不少延雙丸馳
過隙萬化速奔泉滄海猶清淺蓬壺亦播遷

相士逢人傑

謂郭生廉訪

塵中一顧邀尤奇薛氏鳳欲解賀公貂

嫺好諧秦晉勳名望管蕭誰知長轡絕未遣附聯鑣

伏枕波濤際煎膏日夜中遊稱齊贅壻沒作漢終童奇氣青
霞掩靈光絳闕通彭殤與夷跣達者只從同

婦有共姜操分明烈士心號天悲寡鵠填海誓冤禽子職晨
昏補貞標日月臨亡魂遺憾少應慰九原深

丞相悲長豫方回泣景興過庭趨遂渺照社驗無徵書籍方
思散林亭亦厭登婆娑生意盡拊樹恨難勝

神駒

神駒隨地世皆驚，傲儻蘭筋漸老成。自失吾家千里駿，疑歸天上化房精。

張樵野廉使賦詩見懷并題拙著作此報謝

早掣鯨魚碧海濱，東山起作濟時人。單車楚澤馳千里，一紙

陽侯束萬鱗。

前歲行隄江漢所作
祀江神文見者傳誦

曾識胸中森武庫，何期意

外接清塵別來虛谷勞相憶，不惜題牋訊隱淪。

白頭歌哭出菰蘆，落落乾坤一腐儒。但解精忱依日月，渾忘

身世在江湖。頻年遶徑銷聲久，一旦柯亭激賞殊。不遇度遼

能折節，誰從縫掖重潛夫。

答壽伯見訊

文章怕著傷心賦人世愁登思子臺
薄祚頓驚英物逝沈憂
翻偈暮年來江山文酒難尋約
泉石圖書不散哀爲報良朋
勞問訊于今散木更摧頽

壽漁叟七十

還丹不外求吾身有瓊寶練性嗇其神
長生此要道吾友今
彭錢塵中見商皓攬揆躋稀齡獻祝競揆藻僕也拙語言史
巫恥頌禱雙輪終古流百歲亦草草進德期暮年令名不枯
稿君昔擁節旄騰誦滇池表浩然賦歸田翩若冥鴻矯出處
稱完人自然符壽考我有靈草根不減如瓜棗請君試餌之

餐雪可立掃又有山水圖煙雲互縈繞請君張壁閒臥游縱
幽討性情神亦愉黃髮永相保待作高令公入備國三老
悲懷振觸雜詠古事以資排遣

吹笙直到紫雲間聞道仙成可暫還秋至家人共遙望果然

乘鶴降緱山

事見列仙傳

詞雄競爽誇丕植將略黃鬚任掃除已是奇才歸一姓固應
天遣奪倉舒

輔嗣微言正始宗年華朝槿異寒松冢中元理難漸滅餘慧

猶分陸士龍

晉書陸雲嘗至一冢寄宿見一少年美風姿共
談老子詞致清遠向曉辭去行十許里至故人

家云此數十里中無居人雲卻尋昨宿處乃王弼冢雲本
無元學自此談老殊進按魏志注弼字輔嗣卒年二十四

叔寶神清望若仙過江名士最居先天公欲遣風流盡但與
多愁不與年

茂宏妖夢涉幽冥百萬錢刀掘復扃來與公兒稱請命蔣侯
得食竟無靈

沈疴猶恨會稽癡塵尾鐙前轉看時撤瑟論年垂四十牀頭
仲祖未須悲

劉家愛子凋三美蘭玉摧殘未冠時濡淚親書梁妙士苔花
蔓上墓門碑

唐代公卿貉一邱子安文藻至今畱裴公目論殊堪哂可識
江河萬古流

英雄老矣李沙陀置酒三垂感慨多帳下奇兒如亞子不須
流涕百年歌

顏卜修文逝不回又聞長吉玉樓推高天厚地英靈少翻向
人間日惜才

平子重爲蔡議郎東坡夙世漢鄒陽生才卻笑天公靳僕僕
輪迴不厭忙

不寐

佳兒佳婦歸黃土寒雨寒蛩泣白頭九曲黃河天上水傾來
未敵此宵愁

樵野廉訪枉書見慰并貽珍藥賦此報謝

使君牋素託西風念我憂端徑掩蓬老大頽光猶逆旅淒涼
樂府但悲翁雙輪虧戾何曾免萬化推遷未有窮珍藥紫團
勞遠餽扶衰還策破愁功

遣悶

熊兒驥子嗟難得龜鶴蜉蝣亦偶然但向人間驚露電可聞
天上葬神仙回瀾碧海成塵日浩劫蒼穹倚杵年文苑千秋
盡才傑誰知魂魄化秋煙

芝秀蘭秀二女孫連失怙恃寄育外家口占送之

女孫並髻亂出入靡瞻依信有腸堪斷嗟無淚可揮零丁畱
外氏舟楫沂寒暉余亦憐枯樹霜前葉早稀

八紘雖廣大二雅獨酸辛汝正孤惲日余猶旦暮人凋傷何
遘集門戶益難振慙效寄生草同根好自親

篠廬周子在書及詩拳拳見慰感而賦謝

吾友殷勤尺素傳翻空奇語破憂煎招來史冊千秋魄散作
齊州九點煙夸父安能追白日湘壘空復問青天從君齊物
論莊叟松菌何知大小年

肯鬢論交歲月多周郎奇氣已消磨看人盡作登壇起垂老
翻爲伏櫪歌宦興飄搖霜際葉歸心浩蕩晚來波潛夫衰劣
勞相訊惟有行藏付薜蘿

讀書秋樹根圖爲郭子澣題

大道闡苞符菁英在六籍渺哉千聖心榮矣百王迹卓犖惟
鴻儒扶經導其脈陽暉升中天光猷倍腴魄典訓垂六經彌
綸配翕闢章句與文詞百家盡可斥高才方少年努力寸陰
惜足用先通經此勸良可策

湘衡應閒氣蔚起多虎臣君家用儒術蹊蹊乘朱輪吾子擅
英藻若時九真麟百城縱蒐討罔閒宵與晨吾聞稽古業所
貴探其真淵識抱清尚超軼乃絕塵師儒至卿相必通天地
人無爲效曲士佔畢徒苦辛

西風日夜厲眾芳一蕭條惟有拂雲樹蟠根深不搖志士坐
其側挾冊哦終朝簡冊世所共趨嚮我所標李斯通六藝詩

書卒見燒公孫事曲學竟與金紫要奮推遂發冢豈非儒術
妖賢者處諷誦高視何其超顏閔後相引稷契前與招興言
喻林木頸節凌飛颯豈惟仰茂蔭亦以貞後凋

政駿踵校書桓氏炫稽古青紫耀儒林榮遇孰能伍豈知儒
術功淺者實未覩姚宋佐廟堂范韓治邊圉從容贊謀謨出
入綜文武格閭用未伸餘澤逮姚許獻策開太平厥功非小
補奈何鼓篋徒但以獵珪珎不然負博雜攻擊立門戶等之
皆鄙儒安免叔孫侮相期宏達才奮起雪斯語

李黼堂方伯歸自吳越貽書及詩問訊山中并屬爲其伯兄
梅生太史補撰墓誌

將尋招鶴侶因作釣鼈行豪氣凌三島仙心望五城故應懷
魏闕未忍置蒼生會有徵書起休耽泉石盟

吳越扁舟返雲車迥絕倫望君疑若士願我但陳人賤翰俄
相逮滄波直比隣始知斯金侶意氣自如神

伯氏人中傑吁嗟閔九泉梅羹空抱術薤露竟凋年惻愴鵠
原淚蒼涼馬鬣肝慙非議郎筆未敢付雕鐫

得南屏舍人書卻寄

一笑輕軒覓天容此老閒餘情託鉛槧長物挾湖山鷗杜猶
垂訊鴻音遂叩關輸君覽吳越超忽御風還

坎壤吾能遣凋傷乃雋才清聲沈鳳穴死骨惜龍媒晚邁三

靈譴衰兼百感摧悲翁多苦調同病亦相哀

冬雷行

季冬四日晨起雷電交作

入冬以來斷霜雪晴日暉暉烘地熱天桃海棠爭吐英凋年
反訝春光洩榆柳青青垂道傍麥苗覆土焦欲黃井深泉枯
百川竭通津往往成絕潢今晨忽聞怒雷作飛電破空影橫
掠元冬陽氣方深潛翻與純陰起相薄咄哉節候多愆違躁
動毋乃輕其威我且靜觀驗人事誰能仰測元化機君不見
蜃樓鯨窟勢充勃掉尾磨牙伺吾斃赫然 聖主今當陽引
領天威在一震

七十老公行

七十老公窮不死風折瑤林喪才子自傷門祚今始衰世事
波翻復未已今年聞見殊常年日月薄食非徒然季冬四日
雷電作霜雪久斷花爭妍四方邇來侈豐稔農末吁嗟轉奇
窘宏羊權算窮秋毫憑髓傾膏恐不盡近者糴鹽山澤氓戈
船截奪中流爭殺人舉戶擲江水親屬遙望徒吞聲櫂卒攫
鹽復轉鬻豈知蛟蜃久潛伏達官充耳如不聞鐘鼎高懸擁
旌纛昔聞曹爽居中白晉家道子黃閣開當時稱諛比旦爽
傾覆何止身爲災後車不戒前車迹權勢薰天甯有極蠱蚩
走牛蟲什梁倚伏未然孰先識我今七十成衰翁榮落于我
皆飄風但使瞽言等妄發甘令智叟嗤愚公

雪中詠梅

今冬暄倍常后土氣先泄小園羅雜英紅萼半舒纈華士奔
榮名非時取妍悅若曹固其然先趨炙手熱奈何綺窗梅逞
豔乃同轍頗疑君子流委蛇亦折節三日嚴風號吹滿萬山
雪回視彼眾芳奄忽頓滅裂獨汝姑射仙綽約更奇絕風神
凝益高馨逸鍊彌烈黑帝縱寒威避此心如鐵憂患天所生
專以辨豪傑請視梅爲標何曾懼摧折

再詠梅

積疊瓊瑤裏精神轉更張寒威供鍊冶灝氣盪香光姑射山
頭望羅浮月下散新吟除嫵媚鐵石吐心腸

問訊南郡講舍階下桂

我交叢桂三十年白頭如新無閒然秋堂華月射黃雪邀客
次第清觴傳自從喪亂厭奔走南郡下帷恆不久記曾來賞
晚秋餘猶撲天香滿襟袖今年獨臥山中秋坎壈纏身嬰百
憂霓裳眾仙定惆悵偃蹇不見王孫問輪囷蒼蓋久離別爾
蟠苔蘚我巖穴冬心二老同昂藏歲暮相期保霜雪

丁子枕泉自分甯來弔

仕見

之喪賦此述謝

劍挂吳公子車來范巨卿如聞魂魄泣不隔死生情流水孤
琴調寒冰愴笛聲古人風義在眞可貫神明

冰雪封條晨起寒甚

冰雪連天照眼明，侵梅欺竹勢縱橫。
雲垂海上三山闕，風戛空中萬玉聲。
上宰金章趨禁闕，元戎鐵甲臥邊城。
此時應羨蓬廬士，撥火松膠手自傾。

再雪寒威更厲

冬暄何太甚，幾欲變芳菲。
物狃非常寵，天彰不測威。
沖融藏殺氣，凜冽寓生機。
已觀三農慶，封條雪再飛。

煨芋自嘲

泉石吾甘老，功名不必同。
今朝煨芋火，宰相自山中。

送枕泉游潭州

長卿誇夢澤，太史涉湘波。
地昔風騷散，才今將相多。
壯遊窮

遠覽逸興發高歌飛步雲車迴何爲老礪阿

子到湘東日沿湘花正開草迷吳芮塚柳拂定王臺俊侶同
岑合嚶鳴出谷來惟應過賈宅太息治安才

遐心懷五嶽發軔盍南衡松柏連天暗芙蓉拔地生九霄窺
詖蕩二曜攬菁英儼有高吟發將無帝座驚

移仕兒夫婦樞合迄訖臨壙抒哀

飄隕雙鴻鵠巢顙兩鳳凰雄詞凌斗宿奇烈動天章金石嘯
云固彭聃等是鴉達觀悟蘧博萬化付茫茫

壬申除夕

去年逢歲盡望汝歸官城今歲仍除夕魂嘯蒿里塋鳳簫攜

伉儷龍劍閩精英幾日原頭草離離春又生

癸酉正月二十八日

上初親大政

長樂尊

文母恭聞

決萬機

亶聰

皇建極

作覲

帝垂衣

兢業隆千古

欽明式九圍

闢門先顙俊濟濟贊

彤闌

覽興

青陽麗芳樹旭日雲霞鮮雜英盛摘錦繹草紛芊眠物華詎
有意解赴風光妍絲羽孰相約巧囀如繁絃萬象啟新麗誰
歟司其權衆備亦無迹空中元氣旋俯仰化機內遇之惟益
然攬取莫能盡謁此濃華偏何當駐淑景榮落無推遷

清明視仕兒夫婦冢

邱原纔一閱綠草遽抽榮誤憶留巴蜀誰知隔死生鹿車雖
並返鳳管遂無聲今古蜉蝣羽終隨萬化更
夜來風雨繁英委地

風雨不勝悽雲深擁樹低虛裁三月錦盡化一宵泥昭質湫
嶺變成陰綠已迷因窺消息理榮落數原齊

春陰

春陰交草樹茂密望難分龍野流青靄浮空漲綠雲飛英俄
若掃倦興只如醺惟有深林裏鶯囀伴夕曛

聞枕泉赴湘東行有日矣再詩送之

曾聞春仲赴潭州過盡花時始出遊東道賓筵多縞紵南邦

詞傑半公侯。波常帶郭清湘。轉嶽色參天紫蓋。浮擷取荃蘅。
歸卷裏吟編。何日寄潛洲。

鏡初新篁競擢

穉穉俄尋丈。森然勢最遒。連衡秦銳士。眾建漢諸侯。不藉風
雷會。如逢俊傑流。炎歌應頓減。巾簞欲生秋。

階前無十笏。崛起競爭高。拔地蒼龍角。垂天翠鳳毛。新陰籠
几案。細賴戛琅玕。坐久月華上。參差金錯刀。

螺山問字圖爲趙蔚卿題

子昔遇屯叩我繩樞。退然折節請謁吾徒。今者命駕相見。郢
都離羣久矣。喜動菰蘆。

有圖在囊題曰問字推我皋比負牆側侍羣公紛綸鴻篇麟
次願索鄙言重相策勵

猗余耄及自視陳人鬼谷黃石敢居其倫英英吾子奔軼絕
塵豈資老馬先導騏驎

自昔英豪騰聲炳耀綜貫武文出入忠孝姚宋廟堂甘陳邊
徼破浪長風取之年少

智深者達力定者堅剛資柔守華附質全行矣吾子翰飛戾
天臨歧贈策聊助韋弦

撰杖圖趙蔚卿屬題

薛公歸懸車超然謝旌節紺帶趨下風槐市森然列儒館盛

雞籠道與次宗埒隸括江東英引繩中梁梁陽羨有趙生握
衣秉圭臬適自關中還勁若錚中鐵公謂馱駟材範之在羈
紲要駕可無虞生也果心折撰杖繪桑根識彼薜香蕤德操
昔採桑士元往納說垂獎遂愜心倚樹論不輟今世方需才
皎鯨尚波濤小儒安足登識時必俊傑公爲水鏡流人倫善
鑒別門羅文武才出可樹風烈豈無龍鳳儕進之作邦傑